



LKPD

1

BAHASABALI
KELAS XI

PIDARTA

Tetujon Paplajahan



Melalui model pembelajaran Problem Based Learning dan menggunakan media yang dipilihnya, peserta didik mampu memahami struktur pidarta, menganalisis teks pidarta, menciptakan salah satu bagian dari struktur pidarta secara bergotong royong dan bernalar kritis, serta mengartikulasi teks pidarta secara mandiri dan inovatif.

Materi dan Kegiatan Pembelajaran

Imba Pidarta

<https://youtu.be/sQU5SZsza50?si=Rg9Z-UQOv0GEZJ3c>

Om Swastyastu,

Semeton, idadane sareng sami sane prasida rauh ring genah puniki.

Titiang merasa gargita pisan, duaning ratu ida dane prasida kacunduk, tur samian kapica karahuan, seger oger.

Ring tepengan sekadi mangkin, titiang jaga ngaturang ring ajeng pamiarsa sareng sami ngeninin indik lingkungan, yening aturang titiang ring sastra bali inggih punika palemahan wiadin lingkungan Palemahan pinaka salah sinunggil pahan ring Tri hita karana, tetiga sane prasida ngranayang iraga rena. Titiang nenten panjang atur indik tri hita karana, nanging pabaosan ring patemon titiang sareng iratu sareng sami ring galahe puniki cutetang titiang jaga ngaturang indik sampah. Sampah, luwu, mis wiadin barang sane sampun nenten dados kaanggen malih, wiadin sane sampun tan maguna malih. Umpaminipun bungkus roko, bungkus jaja, miwah sane lenlenan.

Ratu ida dane sareng sami.

Sampah wiadin luwu punika wenten duang soroh, inggih punika:

1. Luwu organik, inggih punika luwu sakeng entik-entikan sane marupa don-donan, carang kayu, wohwohan. Tain buron sekadi kambing, sampi miwah sane lianan, nika ngranjing ring luwu organik. Luwu organik punika, yening jagi kaolah malih, nika dados lemek wiadin pupuk ring raos mangkine.
2. Luwu anorganik, inggih punika luwu sane sakeng tan entik-entikan. Minakadi belahan kaca, belahan pucung lan keramik, barang sakeng besi, plastik, miwah akeh sane tiosan. Ring pahan puniki taler ngranjing sampah radioaktif.

Pamiarsa sareng sami.

Indayang mangkin uratiang ring palemahan duene soang soang. Ring genah makarya wiadin kantor, ring umah jero puri griya soang-soang. Ring margi ring angkutan umum, miwah ring genah sane tiosan. Ring pura manawi. Akeh kantun wenten sampah/luwu mabrarakan, ngardi palemahane nenten asri. Yening luwu ring margine punika yening sampun ngempetin jlinjing, nika makardi toyan sabehe meluab ke margine, ngantos ka paumahan, napi malih yening sabehe ageng. Ngiring macecingak malih, luwu ring tukade, ring danu, ring pasisi wiadin pasih, ring genah-genah sioasan ring pasar umpaminipun. Asapunapi kawentenanne? Indik luwu wiadin sampah puniki sobyahang titiang ring ajeng sameton sareng sami, tuah ngentenin komanten. Mapan sareng sami sampun uning.

Sane dahat patut kauratiang mangkin, sapunapiang sampah wiadin luwune punika? Sampunang dumun indik luwu sane wenten ring tukad, ring danu, ring margi. Ngiring luwu sane wenten ring kantor, jero, umah, puri, griya soang-soang sane becikang dumun. Luwu ring paon, pawaregan, perantenan. Luwu sane marupa gluwang (kertas), plastik, luwu plalian alit-alit duwene, luwu pecah belah sekadi meka, pucung, keramik, wiadin barang siosan. Nika iringang titiang ratu ida dane mangda uratian, mangda kawikanin. Riantukan luwu sane wenten ring paumahan punika sane pinih akeh.

Niki tunasang titiang ring sameton sareng sami, mangda sampah wiadin luwu ring paumahan soang-soang prasida katitenin mangdane palemahan wiadin lingkungan duene tetep asri lan lestari. Yening paumahan soang-soang sampun prasida asri, pastika lingkungan wiadin

bebanjarane taler asri tur lestari.

Ratu, idadane sareng sami, pamekasne aturang titiang ngiring sareng sami uratian ring sampah wiadin luwu puniki, mangdane palemahane prasida asri tur lestari.

Titiang nentan panjang atur malih. Iratu ida dane sareng sami sampun ngawikanin. Titiang wantah mapinget kementen, sira ugi wenten sane lali.

Inggih ratu ida dane para pamiarsa lan pemilet sinamian. Wantah asapunika titiang prasida matur ring ajeng pamiarsa. Dumogi napi sane aturang titiang wenten pikenoh ipun. Ampurayang indik basa basita paribasa, sor singgih basan titiang nenten manut ring sarejoning manah.

Puputang titiang antuk parama santhi Om Santhi, Santhi, Santhi, Om.

Pamargi Paplajahan

1. Para sisia mangda ngewacen lan piarsayang pidartane ring ajeng!
2. Durus wangun kelompok ngerereh kelompoknyane manut pepalihan kelompok sane sampun kacumpuin.
3. Durus limbakang kawagedane antuk minayang struktur pidarta ring ajeng sane cen rumasuk pamahbah, daging lan pamuput.

Genah Nyawis



Wastan Kelompok :

Kelas :

Wastan Kelompok	:	
Kelas	:	

[illegible]

The diagram illustrates a portfolio folder layout. It features a large blue folder-like shape divided into three main sections. The left section is labeled 'Catatan Guru (Komentar Guru)' and contains a white box with horizontal dotted lines for writing. The middle section is labeled 'Nilai' and contains a white box for recording scores. The right section is labeled 'Paraf Guru' and contains a white box for the teacher's signature. The entire layout is set against a light blue background with a green vertical line on the right side.



Rubrik Penilaian Keterampilan
PEDOMAN PENSKORAN

No	Aspek Yang Dinilai	Skor
1	Susunan wacana runtut dan pengaplikasian kruna dwi lingga sudah sangat tepat serta berisi 10 conto kruna dwi lingga	100
2	Susunan wacana cukup runtut dan pengaplikasian kruna dwi lingga tepat serta berisi 8 conto kruna dwi lingga	85
3	Susunan wacana cukup runtut dan pengaplikasian kruna dwi lingga cukup tepat serta berisi 6 conto kruna dwi lingga	75
4	Susunan wacana cukup runtut dan pengaplikasian kruna dwi lingga kurang tepat serta berisi 4 conto kruna dwi lingga	65

Kunci Jawaban

wacana cutet sane madaging kruna satma (jawaban diproduksi siswa)

Nyama Tugelan

Inget Wayang Giri satata ring pitutur **mémé bapané** ”patilesang déwéké lacur”, Ulian lacuré lek ngaba padéwékané, ento makrana ia makisid uli Désané, ngungsi di padunungané sané sepi. Mangkin sampun madan menék truna, tuah sangkaning panugrahan Widhi, ipun saja gobanne **bagus genjing**, alisé madon intaran, apa buin pangadegannnyané **gedé ganggas**, masaih ajak kulitne ane **kuning gading**, kaadungang ajak bokné ané **dendem samah**, apa buin kenyunganné **nyunyur manis**, sing tuara dadi ibuk anak luh di désané mangenehang napi malih ri kala mabebaosan , **alus banban** tuturané sané kasangga ringgitan lesung pipinyané.

Yadiapin ipun suud masekolah sangkaning tan wénten prabéa, kéwala Wayan Giri, akéh madué timpal ring désa. Ulian bikasné ané **olas asih**, lan **olas papa** manyama braya, aget lacur wénten sodagar kopra sané mawasta Gung Manik sané nudukipun anggéna pegawai , kasuén-suén sakolahanga Wayan Giri punika nyantos dados pengusaha eksportir kayu Majegau didesané.

Kruna satma sane kaanggen

- a) meme bapane : Kruna satma pepadan
- b) bagus genjing : Kruna satma pepadan ngerasang arti
- c) gede ganggas : Kruna satma pepadan ngerasang arti
- d) kuning gading : Kruna satma pepadan ngerasang arti

- e) demdem samah : Krana satma pepadan ngerasang arti
- f) nyunyur manis : Krana satma pepadan ngerasang arti
- g) alus banban : Krana satma pepadan ngerasang arti
- h) olas asih : Krana satma pepadan ngerasang arti
- i) olas papa : Krana satma pepadan ngerasang arti